



Шогмо эл, порымиз да гим берг!

3 (3235) №,
2016 ий 23 январь,
шуматкече.

ЯМДЕ ЛИЙ

1933 ий 1 февраль годсек лектеш.

0+



РАНТРОПОВАН фотожо.



Диана
Топорова,
Ксюша
Орехова, Юлия
Мочалова, Наташа
Иванова лум гыч черепахым ыштенгьт.

Теле каникул годым нигуш вашкаш. Лена акам дене чодыраш ече дене миенна, лумышто почакынна, тюрлө сјретым сјретленна. Кугу курыкышто мунчалтенна. Рошто кечын мый Рушарня школышто сценкыште модынам, муренам да куштенам. Мыланем пөлекым пуэныт.

Наташа ИВАНОВА, 7-ше класс.

Теле каникул писын эртыш. Дима шольым дене шуко жапым уремыште эртаренна. Кажне кечын 11 шагат марте маленам, мылам тиде келшен.

Диана ХАЛТУРИНА, 7-ше класс.

Кажне кечын уремыште модынам. Южгунам телевизорым онченам. Святой памаш воктенyse курык гыч мунчалтенна, памаш вјдым йјынна.

Юлия МОЧАЛОВА, 7-ше класс.

Ик кечын шјжарем, авам да мый Йошкар-Олашке Ий полатышке миенна. Вара ола мучко ончен коштынна, кок кече олаште иленна.

Диана ТОПОРОВА, 7-ше класс.

Кудымшо классыште Лариса дене коктын веле тунемына. Кокымшо чырыкым «4» ден «5»-лан тунем пытаренам. Каникул жапыште Витя йолташем дене Орша пјяште нужголым, шеренгым, олаңгым кученна. Ече да издер дене курыкышто мунчалтенна. Могай сай теле каникулышто канаиш!

Петя НАГАЕВ, 6-шо класс.
Советский, Орша.





Шахмат – ушан модыш!

Школышто шахмат кружок пашам ышта. Тудым А.И.Учаев вуйлата. Декабрыште «Белая ладья» районсо шахмат турнир эртыш. Эн сайын модшо-влак: **Максим Сильков, Антон Кондратьев, Даша Иванова да мый** – школын чапшым аралышна. Кандаш команде гыч ме 3-шо верым нална. Личный зачётышто мый 2-шо верыш лектым. Максим 2-шым, Антон 3-шо верым налыч. Мыланна дипломым кучыктышт. Даша Ивановалан (2-шо кл.), ийгот дене эн изи участницылан, кумыландыше пөлекым пуышт. Ме пеш куаненна, да вес тыгай турнирым вучена, садак сенена, шонем!

Иван КОШАЕВ.

Волжский, Пöтъял.

Туньктышем

Людмила Викторовна Андреева – поро кумылан, мотор да пашам йоратыше ўдырамаш. Уроклашкыже куанен коштына. Ме, 14 ўдыр-рвезе, тыршен тунемына.

Таня КУВШИНОВА, 2-шо класс.
Волжский, Сотнур.

Кино нерген

Мый фантастике сынан кинон ончаш йоратем. Тушто шонен лукмо, юзо шўлышан илыш ончыкталтеш.

Киношто шучкылыкшат, ўрыктарышыжат ятыр. Эше молодёжный да американский сериал-влакым ончем. Кином ончымо годым тыгай-же илышыштат лийын кертеш манын шонет, ўшанет.

Елена ФЛЕГЕНТОВА.

Морко, Коркатово.

Мый изинек шке кид дене арвер-влакым ышташ йоратем. У ийлан кагаз гыч кожым ыштенам. Йолташ ўдырем, **Кристина Михайлова**, пластмассе стакан-влак гыч лумкурчакым кельштарен (снимкыште).
Регина ШИКАРЁВА.
Морко, Шўргыял.

Увер

13 январьште

Марий Элысе школьник-влак коклаште Всероссийский олимпиадын регионсо этапше тўналын. 8-11-ше класслаште тунемше 786 ўдыр-рвезе, 21 предмет кокла гыч ойырен налын, шинчымашыштым тергат. Эн шуко йодмаш

физкультура (72), математике (62) да биологий (59) дене пурен.



Йоратыме урок

Марий йылме урок эн чот келша. Мўнгышто марла мутланена. Школышто тиде предметым кокымшо класс гыч тунемам. Кажне урокышто шуко ум пален налам. Тўрлў конкурсышто уш-акылем тергем, сенгышыш лектам. Туньктышем Татьяна Геннадьевна Фадеева мылам моткоч келша.

Алёна СЕМЁНОВА,
6-шо «В» класс.

Провой кундем, 2-шо номеран Красногорский школ.

Тўрлатымаш: 2016 ий 16 январьште лекше «Ямде лий» газетыште «Шорыкйол» заметке пелен **А.ВАСИЛЬЕВАН** (Морко, 1-ше №-ан йочасад) фотожым савыктыме.

Конкурс! Конкурс!

1 Мо тугай «Ильичын лампыкыже»?

2 Возен, сўретлен колтыза. «Ильичын лампыке йўла» почеламутым могай марий поэт серен?

3 Энергийым аныкыше лампыкым кузе маныт? Тудым кучылтын, плакатым але комиксым сўретлен колтыза.

3 Марий Элыште мынар сулло энергетик уло?

3 Марий Элыште мынар сулло энергетик уло?

3 Марий Элыште мынар сулло энергетик уло?

3 Марий Элыште мынар сулло энергетик уло?

3 Марий Элыште мынар сулло энергетик уло?

3 Марий Элыште мынар сулло энергетик уло?

3 Марий Элыште мынар сулло энергетик уло?

Сенгышылан премий пуалтеш:

I вер – 1500 тенге

II вер – 1000 тенге

III вер – 500 тенге

Конкурсн учредительже – Марий Эл Республикн сулло энергетикше, почётан ветеранже, чолга мер пашаен Виктор Андреевич НАУМОВ. Конкурсыш паша-влакым редакцийыште 2016 ий 30 апрель марте вучена.



Сенъше улам!

«Ий ўмбалне тўткў лий!» йоча сўрет республиканский конкурсышто икымше верымсенген налынам. Мыланем грамотым улошкол ончылно кучыктеныт. Пеш чот куаненам. Сўретем Озагыш наггаеныт. Мыйшколем да ешем дене кугешнем.

Радик ИШТУГАНОВ,
2-шо класс.
Татарстан, Агрыз,
Пелемеш.

Пырляште весела

Кугу лум толмеке, Оля акам дене, чот куанен, уремыш куржын лекна. Мемнан деке тукым акашўжар Валерия ден Катя ушнышт. Ме шылын модна, «Соқыртага» марий модышымат шарналтышна. Пырля погынен модаш моткоч оңай.

Елена ГРИГОРЬЕВА,
Морко, Шўргыял.

Шымлызе-влакын ойлымышт почеш, чатлама йўштў годым 10 киса гыч кандашынже кылмен-шужен колат!

Каникул
Куанле, шерге.
Каныкта, куандара, кумыланда.
Каныш деч сайже нимо уке,
Куанна.
Мария ИЛЬИНА.
Морко, Шўргыял.

Синк-вейн



Колым кучымаште

Эр эрдене мыйым ачам помыжалтарыш, да кол кучаш ошкылна. Ме Юл энер серыште илена. Туге гынат пеш шуко ошкылна – кол келгытым йўрата. Ачам ий ўмбалне рожым ыштыш. Вара колым энгыраш тўнална. Мый поче-поче икмынар олангым шўдырен луктым. Чот куанышым! Кечывалым кол чўнгымым чарныш. Но мый шым йокроклане: мотор пўртўсым эскерышым, тораште огыл верланыше колызо-влак дене палыме лийым. Кастене куаныше мўнтў пўртылна.

Егор ЕРШОВ.
Козьмодемьянск, 1-ше номеран школ.



Теле

Ечым чиен, уремыш лектат. Йырымваш ош теле ший мардежше дене тыйым саламла. Кеч-куш ончал: кожер ден пўнчер, куэр ден шопкер – чылан нералтен колтеныт.

Янлык ден кайык-влаклан кочкышым муаш нелырак. Йоча-влак тидым умылат, садлан кормушкым ыштат. Тушко кинде пудыргым, тўрлў нўшмым оптат. Тиде паша неле огыл.

Теле кече пеш кўчык. Шижынат от шукто – касат шуэш.

Аня СЕМЁНОВА.
Морко, Эгерсола.
Волаксола гыч
Р.ГРИГОРЬЕВАН
фотожо.



Историйым шергалына

Ленинград блокаде

1941 ий августышто фашист-влак Ленинград ўмбаке керылтыныт. Тудым пеш писын поген налын,

Москва шке наступленийым тўналаш шоненыт.

Но Ленинградыште илыше-влак олам илаш-колаш араленыт. Тунам фашист кашак нуным шужыктен лунчырташ пижын: 8 сентябрьште ола тушман онгыш логалын. Тыге блокаде тўналын, 2,5 миллион калык, нунын коклаште 400 тўжем йоча, электричество, кочкыш деч посна кодын. Кечылан улыжат 125 грамм

киндым пуэденыт. Нылле градусан йўштў телым шукынжо уремешак кылмен коленыт. Туге гынат ола пашам ыштен, заводлаште фронтлан боеприпасым луктыныт. Сарым ончыде, йоча-влак тунемаш коштыныт.

Ладога ер Илыш корным почын. Тудын кылмымеке, олаш машина дене кочкышым шупшыкташ тўналыныт, ег-влакым эвакуироватленыт.

1944 ий 24 январьште Ленинградский ден Волховский фронтла Ленинград блокадым кўрлыныт.

Л.СЕМЕНОВА ямдылен.

Блокаде 871 кече шуйнен. Ты жапыште 630 тўжем ең колен.



Йомакым лудам

Ешыштына визытын улына: ачам, авам, ковам, кочам да мый. Ме келшен, икте-весьлан полшен илена. Чўчкыдын унала тукым шольым толеш. Рома – пеш оңай йоча. Тудлан улыжат вич ий. Мураш да кушташ йората. Изид рвезе – шоям шойышташ мастар. Эре ум пален налнеже, но эше лудын огеш мошто, садлан мыйым йодеш. Тунам мый Ромалан энциклопедийлам шергалам, йомакым лудам. Уда койышан ынже лий манын, сай пашалан туныктем.

Дима ГАВРИЛОВ.

Волжский, Пётъял.



25 январь –
Студент-влакым
аралыше святой
Татьянан кечыже
Татьяна лўман ака-
дам да студент ака-
изада-влакым пайре-
мышт дене салам-
лыза!

Ешем

Улыт мыйын ешыштем
Ковам, ачам, аваем,
Изам дене акаем –
Нуным пеш чот йоратем.
Пашамат ышташ

полшем.

Кўмыж-совлам мушкедем.
Пөлекымат кучыктем –
Шот дене лийже

ман(ы)н шонем.

Диана СЕМЁНОВА.
Марий Турек, Арбор.

Пашаче


Авай түрлө пашам ыштен
мошта. Мыланем урокым
ышташ полша, сурт
коклаште сомылкам торла.
Кочкашыже кузе тамлын
шолта! Пижым, носким
пидын чикта.

Катя СЕМЁНОВА.
Татарстан, Агрыз, Пелемеш.

Яра жапыште

Школ гыч толмек, изишак кана-
лтем. Вара ачамлан лумым куаш
полшем, курык гыч ече дене мун-
чалтем. Урем гыч пурем да мөнгысö
пашам ыштем. Кастене ачам дене коктын
сканвордлан вашмутым кычалына.

Альберт ГАБДУЛХАЕВ, 5-ше «А» класс.
Провой кундем, 2-шо номеран
Красногорский школ.



Мыйын
авам – Зинаида

Ильинична Се-
мёнова. Тудо Кугу
Корамас медпунктыш-
то акушеркылан пашам
ышта. Авам 29 ий ял
калыкым эмла.
Пашажым пеш йората.

Дарья СЕМЁНОВА,
2-шо класс.

Волжский
район.



Фермыште

Авам фермыште пашам
ышта. Каныш жапыште
ушкалым лўшташ, презым
йўкташ полшаш коштам.
Мөнгыштö изи ўшкыжым
ашнена, индеш шорыклан
паренгым падыштен пуэна.
Шкаланна тутло кочкы-
шым шолтена. Киндым
кўэштына. Тыгай кинде
моткоч тамле.

Диана СОКОЛОВА,
5-ше класс.

Куженер,
Конганур.



Келшен илена
Венера
шўжарем дене
(снимкыште) Конганур
школыш коштына.
Коктынат сайын тунемына.
Яра жапыште сўретлаш, кид-
пашам ышташ йоратена. Авана
ден коваланна мөнгысö сомы-
лым ышташ полшена.

Оля ГЛУШКОВА.
Куженер район.

Шоналте

Мишан ачаж
ден аважын ныл
йочаит уло. Кугу-
рак ўдырыштын
лўмжö – Алевтина,
кокимшо ўдырыштым

Ангелина манын
лўмденыт, изи-
ракышт – Люд-
мила. Нылымше
йочан лўмжö
кузе?



Тупем гыч вўчкалта

Ковам, Татьяна Михайловна Ильина, 1935 ий 18 январьште Кугорнымбал ялеш шочын. Йоча жапше сар пагытлан логалын. Школышто чернила, тетрадь лийын огытыл. Конга шўчыым керосинеш варен возеныт. Тетрадь олмеш тошто книгам кучылтыныт. Школ гыч толмеке, колхоз пасушто шўйшо, паренгым погеныт. Тушеч лепешкам кўэштыныт. Кугу лиймеке, ковам колхозышто пашам ыштен. 1958 ийыште тудо Кораксолаш Серафим

Ильинлан марлан лектын. Коктын вич йочам ончен куштеныт. Коваем 81 ийым темыш. Кугезе уныкаже-влаклан куанен ила.

Мыйын уло коваем,
Тудым моткоч йоратем.
Тупем гычын вўчкалта,
Вуем ниялтен колта.
Чулым пешак ковайна,
Пашам пеш тыршен ышта.
Меат тудлан полшена,
Ваш-ваш келшен

илена!
Яна АЛЕКСЕЕВА.

Ме чыланат тудым моткоч йоратена.

Мария ИЛЬИНА.

Морко, Шўргыял.



Таза лий, ковай!

Кугезе ковам, Елизавета Алексеевна Романова, Морко районысо Изи Починга ялеш шочын. Тудлан шымле индеш ий. Илыш корныштыжо шуко йосым ужын. Кугезе кочам дене коктын кандаш икшывым ончен куштеныт, йол ўмбаке шогалтеныт. Сулен налме канышыш лекмешкыже, эре колхозышто тыршен. Туддене кугешнем.

Марианна КУЗНЕЦОВА,
4-ше класс.

Морко, Зеленогорск.

Кугешнем



Мемнан ешна кугу. Чылан келшен илена. Эн чот кочамым йоратем (снимкыште). Тудо ушан, кидпашалан мастар. Мыйымат тунькта.

Наиль ИШТЫРЯКОВ,
3-шо класс.

Волжский, Мамасево.

Волькым ашна

Йоратыме коваем, Валентина Александровна Тимофеева, Ярамарийыште ила. Тудо сулен налме канышыште гынат, кевытыште арулыкым эскера. Мўнгыштыжў чывым, шорыкым, казам онча. Школ гыч толмеке, мыят тудлан полшем. Ковам мыланем таум ойла.

Ксения ЮШКОВА,
3-шо класс.

Волжский, Сотнур.



Синквейн

Шольым Изи, писе.

Модыктем, ончем, ошкылыктем.
Вашкерак ушан лий!
Куан!
Петя НАГАЕВ, 6-шо класс.
Советский, Ёрша.

Карел кадыкмут Мланде
— ава,
кава — ача,
вўд — эн кугу эрге.

Чын илаш тунькта

Авам, Надежда Ивановна, почтышто пашам ышта. Эрдене кая да кастене гына мўнгў толеш. Суртышто авамым паша вуча. Мый тудын шўлыкан улмыжым нигунам ужын омыл. Умылем, южгунам тудланат неле. Туге гынат, мемнам илыш корныш шогалтен, чын айдемыш лукшаш верч тырша.

Элина ВАСИЛЬЕВА.
Морко, Коркатово.



Ачана пелен



Ачам, Эдуард Алексеев, «Победа» озанлыкыште пашам ышта. Кум йочам, Алёша ден Дима изам-влакым да мыйым, онча, кумда илыш корныш лукташ ямдыла. Алёша сўретлаш йората, а Дима кочкаш тамлын шолта. Валя ачана аванам алмашта, тудо эн лишыл, поро да ушан. Изам-влак ачана пелен улыт гын, мый Валя акам пелен лияш тыршем. Тудын Полина ўдыржў дене коктын модына, пўрткўргым эрыктена, урокым ыштена. А Ирина ачана ешыж дене Шернур районысо Кучанур ялыште ила. Тудын эрге ден ўдыржў улыт. Мый шке ешем дене палдарышым. Теат «Ямде лий» газетыш возыза. Мый уло кумылын лудаш тўналам.

Ксения АЛЕКСЕЕВА.
Параньга, Элпанур.



“Кидшер” интернет-журнал дене пырля эрта-рымешке У ий сүрет конкурсам иктешлена! Редакцияшыкына 21 паша пурен.

“Кидшер” интернет-журналыште йүклымашке **838** ег ушнен.

Морко район Коркатово лицей гыч эн шуко сүретым налынна. 1-ше класшыште тунемше-влак: Мария Дмитриева, Ангелина Огнева, Катя Рассанова, Анна Александрова, Эмма Абросимова, Иван Васильев, Артём Боголюбов – шке гыч сүретлыме пашашт дене куандареныт. Ты лицей гычак Эмилия Александрова (5-ше кл.) ден Настя Матвеева (3-шо кл.) тагасымашке ушненыт.

Йошкар-Оласе 7-ше номеран школ гыч Лилиана Петраева (3-шо кл.), Вика Лоскутова да Данил Черкасов (6-шо кл.), Андрей Кораблёв

Викалан 178 ег йүкшым пуэн.

Йошкар-Оласе 7-ше номеран школын 6-шо “А” классыштыже тунемше **Вика ЛОСКУТОВА** сёгышыш лектын. Саламлена!

Сүрет келшыше лийже

(2-шо номеран Шернур шк., 4-ше кл.), Валерия Пакалина (Провой кундем, 2-шо номеран Красногорский шк., 2-шо кл.) пашашт дене палдареныт. Советский район Вечын школ гыч Катя Юркина да Ксения Кочакова (8-ше кл.), Белла Соловьёва (6-шо кл.) ойыр-

темалтше сүрет-влакым колтеныт.

Морко посёлкысо 1-ше номеран йочасадыш кошт-шо Кирилл Яковлев изи парняж дене сүретым чиялтен. Тиде йочасад гычак Сашенька Васильева сүретшым манне шүраш дене сылнештарен. Даниил Алексеев (6-шо номеран Морко шк., 4-ше кл.) пашажым аклаш колттен.

Тагасыше-влак түрлө ийготан лийыныт. Садлан паша-влак арулык, чаткалык шот дене ойыртема-лтыныт. Икмыняр икшыве ямде сүретым корен луктын, чиялтен колттен. Весканалан ушыш пыштыза: тыгай сүретым кугыен-влак вигак шекланат. Шке кид дене ыштыме паша эре кўкшын аклалтеш.

У ий сүрет конкурсышко ушнышо кажне йочам мокталтена да чылаштлан сертификатым кучыктена. Тудым редакций-ышке пурен налман. Л.ГРИГОРЬЕВА.



1-ше вер



Конкурс “Уий дене!”

Лум толын!

У ий пайремлан школышто чот ямдылалтынна. Клас-слам, залым сорастаренна, пырдыжгазетым луктынна, модыш-влакым ямдыленна. Ме түрлө түсан кагаз гыч шинчырым ыштенна. Йүштө Кугызалан пөлекым пуышна. А тудо мыланна шуко лумым кондыш.

Дима КОРОТКОВ,
5-ше класс.

Медведево, Турша.

1-5 класслаште тунемше-влак коклаште «У ий дене!» сүрет конкурс (снимкыште) эртен. Икымше вер дене **Настя Михайлова** (3-шо класс) палемдалтын. Тудо эн шуко сүретлен.

Анатолий АЛЕКСАНДРОВ.

Морко, Шүргыял.

Самырык артист

Сүретлыше артист

Акпарс Владимирович Иванов 1991 ий 28 февральыште Волжский район Тошнер ялеш шочын. Тўналтыш класслам Пётъял кыдалаш школышто тунемын. Сүретлаш йоратымыжлан көра, 5-ше класс гыч Национальный президент школ-интернатыште художественный отделенийште шинчы-машым поген. Кум ий тунеммек, уэш шочмо кундем-мыш пörтылын. Пётъял кыдалаш школым шörтнө медаль дене тунем пытарен. 2010 ийыште МарГУ-со Финноугроведений институтын студентше лийын. 2011 ийыште Москосо М.Щепкин лүмеш кўшыл театральный училище-институтыш тунемаш пурен. Шинчымашым погымо жапыштак Россия Армий радамыште служитлен (2013-2014 ийла). «Русский секрет» диплом пашаште 1-ше адмирал-министрым модын. Кодшо ий гыч М.Шкетан лүмеш Марий национальный драме театрыште тырша.



“Русский секретыште”

Калык пале
 *Ўстел
 лукыш шинчат гын, туклыкеш кодат.
 *Түрвө лүгышта гын, костенечым кочкат.

***Кече шичме**
 годым лудат але во-зет гын,
 шинчат коршташ тўна-лалеш.

Палаш огай

24 январь – эскимон Тўнямбал кечыже



Эскимо – изи панган шоколад ўмбалам мороженый. Онава олаште (США, Айова) кондитер-кулинар Христиан Нельсон илен. Тудын шере кочкышым ужалыме кевытше лийын. 1919 ийыште Х.Нельсон сливочный мороженыйым левыктыме шоколад дене леведын. А кум ий гыч, 1922 ий 24 январьыште, патентым налын.

1934 ий марте эскимон панга деч посна лийын.

Салам аршаш

Шергакан
 Евгения Олеговна!
 Саламлем Тендам У ий пайрем дене! Тыланем пейгыде тазалыкым, кужу ўмырым, илыш пиалым, чон ласкалыкым!



Салам дене
Настя ИЛБИНА.
 Марий Турек, Лебедево.

Лүмгече

Тений

Марий Эл Республикысе йоча да самырык-влаклан театр-рүдерлан (Марий самырык театр) 25 ий темеш. Ты лүмгечылан пöлеклен, ме тыланда марий спектакль-влаклан келыштарыме сүрет-влакым чиялташ темлена. Нуным сүретче А.ГОЛУБЦЕВ ыштен.



Индекс
 Роспечать - 52713, МАП - 78574.
 Тираж 1150 экз. Заказ 129.
 Формат – А-4-8.
 Директор-тўн редактор
 Л.В.СЕМЕНОВА.

E-mail: yamde_lji@mari-el.ru,
 Сайтын адресше: yamde-lii.ru,
 Тел. 45-25-49(факс);
 45-22-82.

УЧРЕДИТЕЛЬ-ВЛАК:
 Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымыште законодательством шуктен шогымым эскерыше Федеральний службыв Приволжский федеральный округысо управленийыштыже регистрироватлыме.
 Номер – ПИ №ФС 18-1999,
 2005 ий 10 февральыште пуымо.



Печатыш пуымо жап – 14-00, фактически – 13-00.
 Ак – кутырен келыше почеш.

Авторын да редакциянын шонмашыш түрлө лийын кертыт. Серыш-влак мөнгеш огыт колталт.

Газетым редакцияшты погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакциянын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.

Йүштө телым пешак сай



Р.КОРОТКОВАН фотожо.
Волжский, Пётъял.

Йүштө телым пешак сай.
Курыкышко тые кай!
Ече дене мунчалташ,
Мардеж дене йчашаш.
Йырым-йыр мый ончалам.
— Чевер кече, салам!
Лумжо чинчын йылгыжеш.
Курык гыч волаш йжеш.

Аида САЛИКОВА,
4-ше класс.

Морко, Коркатово.

Марий Турек район Лебедево школ гыч Оля **БУСЫГИНА** темла: “Фигурласе цифр-влакым ушыза. Кок фигурысо суммо 20 лийшаш. Ты фигур-влакым муза”.

1.

9	3
6	
5	

 2.

1	
3	6
4	6

 3.

3	3	
2		
5	8	2

 4.

5
5
8
1
6

 5.

2			
1			
3	4	5	2

 6.

9	6
	6

 7.

5	
5	
8	5

2 февральыште Йошкар-Оласе декоративно-прикладной сымыктым тоштерыште сүретче **Фаина ЛЕБЕДЕВАЧ** сүрет ончерже почылтеш. Тудым автор “Ямделий” газетын шочмо кечыжлан пөлекла.



ЙОЧА-ВЛАК ОЙЛАТ


Ава кум ияш ўдыржым чикта:
— Йолетым пу.
Маша шолла йолжым шуялта.
— Тидым огыл, весыжым.
Ўдыр пурлажым шуялта. А аван кидыште шолла йолысо ката улмаш. Тудо уэш ўдыржылан күшта:
— Тидым огыл, весыжым пу.
Маша кок век ончалеш да ўрын пелешта:
— Мыйын тетла уке.



Н ы л ияш Аня сўретан кннгамлашты-кла. Ўдыр идалыкын тўрлў жапшым радамла:
— Кенеж, шыже, теле, ... шулен пытыше теле.

ТУШТО
Тудым пукшет - ылыжеш, а йўктет - кола. Мотиде тыгай?

И к ш ы р - п ы м гыч
верже тыге тарвате - индеш тругольник олмеш икте кодшо.



Вот вет, кузе вет

Йоча-влак Ванюм ўрын ончат.
— Ваню, пушенгышкыже молан күзет?
— Олмам кочкаш.
— Телым пушенгыште олма укес.
Тидымат от пале мо?
— Олма күсеныштем кия.



КРОССВОРД

1		Л	
2		У	
3		М	
4		Ў	
5		Д	
6		Ы	
7		Р	

1.Идалыкын пагытше.
2.Ньога-влакын телым модмо верышт.
3.Телын поянлыкше.
4.Ёлко вуйыш верандыме модыш.
5.Мунчалтыме ўзгар.
6.Кайыкын «пўртшў». 7.Телым пушенгыште кечалтше лум йолва.
Олеся ВЯТКИНА.
Куженер, Ўштымбал.

ТУШТО
Кож гыч пўнчышкў, чымалтын, Изи янлык тўрштылеш. Нарынче пунан шке почшым Укш гыч укшыш шылтылеш.
Карина ЗОСИМОВА,
2-шо класс.
Морко посёлко,
1-ше №-ан школ.